



Hyllestad sankelag
Brenndalsvegen 782
6953 LEIRVIK I SOGN

Saksbehandlar, innvalstelefon
Hermund Mjelstad, 5764 3124

Skadefellingsløyve på ulv i Hyllestad, Fjaler og Høyanger kommune

Fylkesmannen i Vestland gjev skadefellingsløyve på ein ulv i Hyllestad, Fjaler og Høyanger kommune i perioden 16. mai 2019 kl. 06.00 til og med 31. mai 2019 kl. 22.00. Området er avgrensa av Dalsfjorden i nord, kommunegrensa mellom Fjaler og Gaular og E39 i aust og Sognefjorden i sør.

Vi har lagt vekt på at ulven har hatt tilhald i området sidan sommaren 2018, det dokumenterte skadetilfellet i området 12. mai 2019, og potensialet for skade framover. Ulven er kjent, og DNA viser at dette ikkje er eit spesielt viktig genetisk dyr.

Skadefellingsløyve er gjeve med heimel i naturmangfaldlova § 18 bokstav b og § 77, jf. forskrift om forvaltning av rovvilt § 9, jf. § 1 og 3, Nærare vilkår følgjer i dette brevet.

Vi viser til søknad på e-post 14. mai 2019 om skadefellingsløyve på ulv frå Hyllestad sankelag, Høyanger Nordside beitelag og Flekke beitelag.

Bakgrunn

Statens naturoppsyn (SNO) har 13. mai 2019 undersøkt eitt kadaver av sau ved Skor i Hyllestad der konklusjonen er at ulv er skadegjerar. Skaden skriv seg truleg frå laurdag/søndag 11.-12. mai. Søya, ei årring frå i fjor, var mykje påspist.

Lovgrunnlaget

Det rettslege grunnlaget for avgjerda er naturmangfaldlova § 18 første ledd b) og § 77, jf. rovviltforskrifta § 9.

Naturmangfaldlova § 1 (formål):

"Lovens formål er at naturen med sitt biologiske, landskapsmessige og geologiske mangfald og økologiske prosesser tas vare på ved bærekraftig bruk og vern, også slik at den gir grunnlag for 2 menneskenes virksomhet, kultur, helse og trivsel, nå og i fremtiden, også som grunnlag for samisk kultur."

Naturmangfaldlova § 18 (annet uttak av vilt og lakse- og innlandsfisk etter vurdering av



myndighetene):

«Kongen kan ved forskrift eller enkeltvedtak tillate uttak av vilt og lakse- og innlandsfisk

- a) for å beskytte naturlig forekommende planter, dyr og økosystemer,
- b) for å avverge skade på avling, husdyr, tamrein, skog, fisk, vann eller annen eiendom,
- c) for å ivareta allmenne helse- og sikkerhets hensyn eller andre offentlige interesser av vesentlig betydning,
- d) (...)

Vedtak etter første ledd bokstav a til f kan bare treffes hvis uttaket ikke truer bestandens overlevelse og formålet ikke kan nås på annen tilfredsstillende måte.(...)»

Roviltforskrifta § 1 (formål):

”Formålet med denne forskrift er å sikre en bærekraftig forvaltning av gaupe, jerv, bjørn, ulv og kongeørn. Innenfor en slik ramme skal forvaltningen også ivareta hensynet til næringsutøvelse og andre samfunnsinteresser. Forvaltningen skal være differensiert slik at hensynet til ulike interesser vektlegges forskjellig i ulike områder og for de ulike roviltarter.”

Roviltforskrifta § 9 (fylkesmannen sin myndighet til å iverksette betinget skadefelling):

”Ved vurdering av om det skal gis tillatelse til skadefelling skal det legges vekt på føringene i regional forvaltningsplan, jf forskriften § 6. Felling kan bare gjennomføres dersom det ikke finnes annen tilfredsstillende løsning ut fra prinsippet om geografisk differensiert forvaltning.

Det skal særlig tas hensyn til

- a. områdets betydning som beitemark
- b. skadenes omfang og utvikling
- c. potensialet for fremtidige skader
- d. muligheten for å gjennomføre forebyggende tiltak

Felling skal være rettet mot bestemte individer. Vedtak om felling skal være begrenset til et bestemt område, tidsrom og antall dyr. Det kan knyttes nærmere vilkår til fellingstillatelsen, herunder at bestemte typer dyr skal være unntatt, at felling skal foretas av nærmere bestemte personer, metoder for felling og utbetaling av fellingsvederlag og/eller dekning av påløpte utgifter med unntak av lønn mv. i forbindelse med felling. Felling og forsøk på felling i henhold til denne bestemmelsen gjennomføres uavhengig av grunneiers jaktrett, jf viltloven § 35.”

Roviltforliket 2011

Roviltforliket sommaren 2011 strekar under at «Norsk roviltforvaltning skal skje innenfor ramma av bestemmelsene i naturmangfoldloven og Stortinget sin behandling av denne, Bernkonvensjonen og den todelte målsettingen etter roviltforliket av 2004, og den videre oppfølgingen av denne.»

Vidare i forliket står det mellom anna at:

«Dyr på utmarksbeite har mange positive kvaliteter, og det er viktig å sikre levedyktig næringsgrunnlag i landbruket i områder med rovilt. Forlikspartene viser til den todelte målsetningen etter roviltforliket fra 2004, og utfordringen ligger i å ivareta begge deler uten at konflikten mellom dem blir større enn nødvendig Roviltforvaltningen må baseres på en politikk der hensynet til å sikre overlevelse av alle de store roviltartene i norsk natur må kombineres med en forvaltning som totalt sett bidrar til å dempe konfliktene og motvirke utrygghet innenfor den todelte målsetningen.»

Det blir også streka under i punkt 2.2.19 i roviltforliket at:



«Det er et felles mål at tapstallene for beitenæringen må ned. Soneinndelingen må forvaltes tydelig. I prioriterte beiteområder skal uttak av dyr som gjør skade på beitedyr gjøres raskt, og i slike områder skal miljøforvaltningen i større grad enn i dag bidra til å effektivisere slikt uttak, uavhengig av om bestandsmålet er nådd..»

I følge § 9 i forskrifta kan Fylkesmannen gje fellingsløyve for å forhindre framtidig skade innanfor ramma av kvote for betinga skadefelling gjeve av rovviltnemnda, jf. forskrifta § 8. Nemnda vedtok i møte 6. mai 2019 ei skadefellingskvote på tre ulv i region 1 som gjeld frå 1.juni 2019.

I brev av 10. mai 2019 har Miljødirektoratet opna for at fylkesmennene kan tildele skadefellingsløyve på ulv i perioden 14. mai 2019 til og med 31. mai 2019, i perioden før Fylkesmannen har myndigheit til dette. Løyvet gjeld på inntil fire ulv i heile landet, unnateke ulvesona. Per 15. mai er ingen av skadefellingsløyva tildelt, jf. Miljøvedtaksregisteret.

Miljødirektoratet har med bakgrunn i dagens situasjon vurdert at det kan vere hensiktsmessig at denne myndigheita blir delegert til fylkesmennene. Delegeringa er i form av vedtak om betinga kvote som fylkesmennene kan setje i verk i medhald av rovviltforskrifta § 9, etter ei konkret vurdering av situasjonen.

Fylkesmannen si vurdering

Dette vedtaket baserer seg på kunnskap om bestandssituasjonen for arten. Vi viser til data frå nasjonalt overvåkingsprogram for rovvilt og vurderer at kravet til kunnskapsgrunnlaget, jf. naturmangfaldlova § 8, er tilstrekkeleg ivareteke. Førre-var prinsippet skal nyttast i situasjonar der ein ikkje har slik kunnskap, jf. naturmangfaldlova § 9. Vi viser og til vedtak i Rovviltnemnda for region 1 og forvaltningsplanen for regionen. Sogn og Fjordane er prioritert beiteområde og har ikkje forvaltningsmål for ulv, eller dei andre rovdyra.

Bestandssituasjonen

Det er ikkje rapportert endelege data etter svingssesongen 2018/2019, men førebelse tal viser at det er dokumentert fem sikre ynglingar i heilnorske revir, tre ynglingar i grenserevir og alle ti er registrert i tilknytning til ulvesona. Vidare viser rapporten at det er påvist 99 – 102 ulvar i Noreg, der 64 – 66 har heilnorsk tilhald. 23 – 24 har tilhald på begge sider av grensa til Sverige og 12 har usikker grensestatus. Det nasjonale bestandsmålet er derfor å rekne som oppfylt.

Skadepotensialet i området

I skadeområdet i Hyllestad, Fjaler og Høyanger kommune er det eit stort tal sau og lam på beite, om lag 6000 totalt. Vi vurderer det difor som eit viktig beiteområde for sau på utmarksbeite. Det er relativt tidleg i beitesesongen og vi vurderer difor skadepotensialet som stort. Vi kan ikkje sjå at det er praktisk mogleg å gjennomføre andre førebyggjande tiltak som kan hindre skade, jf. rovviltforskrifta § 9 andre ledd, bokstav d. Ut frå omsynet til beitedyra og at det er eit viktig beiteområde, ser vi det som forsvarleg at det blir gjeve fellingsløyve på ein ulv i området. Vi er i tillegg heilt i starten av beitesesongen.

Konklusjon og vilkår

Fylkesmannen i Vestland gjev skadefellingsløyve på ein ulv i Hyllestad, Fjaler og Høyanger kommune i perioden 15. mai 2019 kl. 06.00 til 31. mai 2019 kl. 22.00. Vi har lagt vekt på skadeomfanget i fjor, dokumentert skadetilfelle i 2019 og potensialet for skade framover. I tillegg er ulven kjent etter DNA prøver og er vurdert til ikkje å vere spesielt genetisk viktig. Uttaket er vurdert til ikkje å vere til skade for ulvebestanden sin overleving, eller å kome i konflikt med det nasjonale bestandsmålet for ulv, jf. Innst. S.



nr. 174 (2003-2004) og rovviltforskrifta §§ 3 og 4. Skadefellingsløyve er gjeve med heimel i naturmangfaldlova § 18 bokstav b og § 77, jf. forskrift om forvaltning av rovvilt § 9, jf. §§ 1 og 3.

Skadefellingsløyvet blir tildelt Hyllestad sankelag, Høyanger Nordside beitelag og Flekke beitelag. Det administrative og rekneskapsmessige ansvaret er lagt til Hyllestad kommune, i nært samarbeid med Fjaler og Høyanger kommune. Kommunane må i samarbeid med aktuelle sankelag og beitelag organisere eit fellingslag med ansvarleg fellingsleiar.

Følgjande vilkår gjeld for skadefellingsløyvet:

1. Skadefellingsområdet er avgrensa til Hyllestad, Fjaler og Høyanger kommune. Fylkesmannen kan endre avgrensinga raskt om vidare skadeutvikling gjer det naudsynt.
2. Skadefellingsløyvet er tildelt Hyllestad sankelag, Høyanger Nordside beitelag og Flekke beitelag. Løyvet blir administrert og rekneskapsført av Hyllestad kommune, i samarbeid med Fjaler og Høyanger kommune. Kommunane må samarbeide med dei aktuelle sankelaga/beitelaga for etablering av fellingslag og fellingsleiar.
3. Skadefellingsløyvet gjeld i tidsrommet 16. mai 2019 kl. 06.00 til 31. mai 2019 kl. 22.00, og gjeld for ein -1- ulv.
4. Det skal nyttast våpen og ammunisjon som tilfredsstillar krava til jakt på ulv, jf. forskrift av 22. mars 2002 om utøving av jakt, felling og fangst.
5. Felling eller forsøk på felling skal straks meldast til Fylkesmannen (tlf: 481 43 095) og Statens naturoppsyn (tlf: 480 94 364). Den som feller dyr skal framvise felt dyr for SNO for kontroll, merking og prøvetaking av biologisk materiale, og skyttar skal kunne påvise fellingsstad (eller eventuell skotplass) etter oppmoding frå SNO.
6. Skadefellingsforsøk og felling i tråd med dette løyvet kan skje utan omsyn til grunneigarretten, jf. lov om jakt og fangst av vilt § 35. Det er og pågåande lisensjakt i heile området ut mai månad. Det er derfor viktig at skadefellingslaget har dialog/kontakt med lisensjegerar for å unngå konflikt/misforståingar. Fellingsleiar/kommunen kan vurdere om det er trong for å be SNO om bistand i fellingsforsøket eller på anna vis vere til hjelp med sin kompetanse.
7. Felt dyr i medhald av dette løyvet er viltfondet sin eigedom. Ingen kan difor på noko vis gjere seg nytte av felt dyr eller deler av dyr utan samtykke frå Miljødirektoratet.
8. Dersom ulv blir skadeskoten pliktar dei ansvarlege å gjere det dei kan for å avlive dyret snarast mogleg. Skyttar pliktar å forvise seg om dyr det er skote på er treft eller ikkje. Ved skadeskyting skal skyttar utan opphald melde frå til Fylkesmannen, SNO og næraste politimyndigheit. Fylkesmannen avgjer vidare gjennomføring og avslutning av ettersøk.
9. Fylkesmannen kan til ein kvar tid endre eitt eller fleire av vilkåra, eller trekke tilbake fellingsløyvet.
10. Deltakarar i kommunale fellingslag kan etter rovviltforskrifta § 9 a få godtgjering for den tid som blir nytta til fellingsforsøket. Godtgjeringa er 1600 kroner per deltakar per døgn. Det blir sett av ein ramma på 50 000 kroner til fellingsforsøket. Kommunen kan velje å nytte fleire deltakarar enn det ramma legg opp til, men må då dele det tildelte beløpet på fleire, slik at døgnseten per deltakar blir mindre. Ramma er absolutt. Dersom det er ekstraordinære omstende som gjer at fellinga ikkje kan gjennomførast innanfor ramma, skal fellingslaget kontakte Fylkesmannen. Fylkesmannen skal



informererast jamleg om utviklinga i fellingsforsøket. Det kan i tillegg dekkast konkrete kostnader til køyring, telefon, bompengar osb. avgrensa inntil 10.000 kroner.

11. Alle medlemmar av fellingslaget som deltek i fellingsforsøket skal ha kopi av dette brevet og vere kjend med vilkåra for skadefellingsløyvet.
12. Fylkesmannen skal ha tilsendt liste over deltakarar i fellingsforsøket, også ved eventuelle endringar av lista. Det er vidare eit krav at deltakarar oppfyller krava til og har lisens, jf. krava i forskrift om utøving av jakt, felling og fangst, §§ 13 og 14.
13. Hyllestad kommune skal sende oversikt over utgifter knytt til fellingsforsøket til Fylkesmannen i Vestland innan ei veke etter avslutta fellingsforsøk.

Partane i saka og andre med klagerett etter forvaltningslova, kan klage over avgjerda innan tre veker etter at avgjerda er motteken. Eventuell klage bør grunngjevast og rettast til Miljødirektoratet. Klagen skal sendast til Fylkesmannen, som anten kan ta klagen heilt eller delvis til følge, eller sende han til Miljødirektoratet for endeleg avgjerd.

Med helsing

Kjell Kvingedal
miljødirektør

Eline Orheim
seksjonsleiar

Dokumentet er elektronisk godkjent

Kopi pr. e-post:

Miljødirektoratet
Rovviltnemnda region 1
Statens naturoppsyn
Hyllestad kommune
Fjaler kommune
Høyanger kommune
Askvoll kommune
Politiet i distrikt vest